



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
Ustavno - pravna komisija
Broj: 01/1-011-1029/02
Sarajevo, 23.9.2002.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Primljeno: 30.09.02.9.			
Org. jed.	Broj	Prilog	Vrijednost
01/1-011-1029/02			

ZAPISNIK sa 31. sjednice Ustavno - pravne komisije

Sjednica je održana dana 23.9.2002.godine s početkom u 10,00 sati.
Sjednici su bili nazočni:

1. Mirko Banjac
2. Mirko Mijatović
3. Bogić Bogičević
4. Muhamed Begović
5. Željko Bilbija

Odsutni su bili članovi Komisije: Mariofil Ljubić, Miro Grabovac – Titan, Hilmo Neimarlija i Osman Brka, koji je najavio odsutnost zbog konferencije za tisak.

U ime Zastupnika predlagatelja, Vijeća ministara BiH sjednici su bili nazočni Amir Pilav i Miodrag Pamdurević.

Sjednici je takođe bio nazočan i Milan Zjajić, tajnik Komisije.

Predsjedatelj Komisije Mirko Banjac predložio je sljedeći

DNEVNI RED :

1. Verificiranje zapisnika sa 30. sjednice održane 10.9.2002. godine
2. Prijedlog zakona o ispitivanju, žigosanju i obilježavanju ručnog vatrenog oružja i municije prijedlog Vijeća ministara BiH, nadležna Ustavno-pravna komisija,
3. Prijedlog zakona o izmjeni i dopuni Zakona o državljanstvu Bosne i Hercegovine, prijedlog Vijeća ministara BiH, nadležna Ustavno-pravna komisija.
4. Prijedlog zakona o blagdanima i neradnim danima u BiH, prijedlog zastupnika, Mariofila Ljubića, Mire Grabovca – Titana, Zdenka Vukića, Marka Amidžića i Mirka Bakovića,
5. Autentično tumačenje članka 8.1 Izbornog zakona BiH, na zahtjev zastupnika Mire Grabovca - Titana, u ime Kluba HDU,
6. Krivični zakon BiH i
7. Ostala pitanja.

Član Komisije Željko Bilbija je tražio tumačenje za stavljanje na dnevni red Prijedloga zakona pod točkama 2 i 6, jer nisu ispunjeni uvjeti predviđeni Poslovníkom doma. Nakon što je tajnik Komisije pojasnio razloge za stavljanje na dnevni red Krivičnog zakona BiH, nazočni članovi Komisije su jednoglasno zauzeli stav da se članovi Komisije ne osjećaju krivim zato što nisu imali uvjete za rad.

Nakon toga predloženi dnevni red je prihvaćen uz jedan "uzdržan" glas.

Ad. 1.

Bez primjedbi zapisnik sa 30. sjednice, održane 10.9.2002. godine, jednoglasno je verificiran.

Ad. 2.

Zbog ne prisustvovanja sjednici zastupnika predlagatelja Komisija je jednoglasno skinula sa dnevnog reda Prijedlog zakona o ispitivanju, žigosanju i obilježavanju ručnog vatrenog oružja i municije prijedlog Vijeća ministara BiH

Ad. 3.

Otvarajući ovu tačku dnevnog reda Predsjedatelj Banjac dao je riječ zastupniku predlagatelja zakona, koji je u ime predlagatelja Vijeća ministara BiH povukao prijedlog iz procedure i najavio novi izmjenjeni prijedlog sa zahtjevom da se razmatra po članku 105. Poslovnika.

Ad. 4.

Zbog ne nazočnosti sjednici zastupnika predlagatelja Komisija je jednoglasno skinula sa dnevnog reda Prijedlog zakona o blagdanima i neradnim danima u BiH, prijedlog zastupnika. Mariofila Ljubića, Mire Grabovca – Titana, Zdenka Vukića, Marka Amidžića i Mirka Bakovića.

Ad. 5.

Nakon diskusije, u kojoj su učestvovali svi članovi Ustavno-pravna komisija Zastupničkog doma Parlamentarne skupštine BiH, je jednoglasnim izjašnjenjem svih prisutnih članova Komisija zauzela stav da je članak 8.1. Izbornog zakona Bosne i Hercegovine sukladan Ustavu Bosne i Hercegovine, te naglasila da u svakom konkretnom slučaju Izborna komisija Bosne i Hercegovine ocjenjuje valjanost kandidature za sve kandidate na svim razinama vlasti u Bosni i Hercegovini, a Izborni Zakon daje mogućnost da se u propisanoj proceduri ukaže na eventualne pokušaje prevare.

U smislu odredbi članka 89. Poslovnika Zastupničkog doma Parlamentarne skupštine BiH, za izvjestioca u plenarnoj fazi Komisija imenuje predsjedatelja Mirka Banjca.

Ad. 6.

Zastupnik predlagatelja nije želio ulaziti u raspravu koja se odnosila na rokove utvrđene Poslovníkom, a nakon kraće rasprave jedinstven stav svih prisutnih članova Komisije bio je da ne skraćuju Poslovníkom utvrđene rokove za ulaganje amandmana.

Ad. 7.

Kako nije bilo ostalih pitanja, u 11,05 sati Predsjedatelj je zaključio sjednicu.

PREDSJEDATELJ
USTAVNO - PRAVNE KOMISIJE
mr Mirko Banjac